

通鑑地理通釋





通鑑地理通釋卷八

浚儀王應麟伯厚甫

七國形勢攷上

地利不如人和在德不在險六國有地險而不修仁義卒并于秦秦又不監而漢滅之作七國形勢攷

秦

蘇秦說秦惠王曰秦四塞之國被山帶渭東有關河

西有漢中南有巴蜀北有代馬此天府也戰國策云西有巴蜀

漢中之利北有胡貉代馬之用南有巫山黔中之限東有殽函之固地勢形便此所謂天府天下之雄國也

范雎對秦昭王曰大王之國四塞以爲固北有

甘泉谷口南帶涇渭右隴蜀左關阪此王者之地也
春申君說秦昭王曰大國之地徧天下有其二垂
此從生民已來萬乘之地未嘗有也王又舉甲而攻
魏杜大梁之門舉河內拔燕酸棗虛桃入邢魏之兵
雲翔而不敢救王之功亦多矣王休甲息眾二年而
後復之又并蒲衍首垣以臨仁平邱黃濟陽嬰城而
魏氏服王又割濮磨之北注齊秦之要絕楚趙之脊
天下五合六聚而不敢救王之威亦殫矣 荀子彊
國篇曰古者百王之一天下臣諸侯也未有過封內
千里者也今秦南乃有沙羨與俱是乃江南也北與

胡貉爲隣西有巴戎東在楚者乃界於齊在韓者踰常山乃有臨慮在魏者乃據圍津卽去大梁百有二十里耳其在趙者剡然有峒而據松柏之塞負西海而固常山是地徧天下也威動海內疆殆中國然而憂患不可勝校也認認常恐天下之一合而軋已也此所謂廣大乎舜禹也 應侯問曰入秦何見荀卿子曰其國塞險形執便山林川谷美天材之利多是形勝也 太史公六國表曰秦始小國僻遠諸夏賓之比於戎翟至獻公之後常雄諸侯論秦之德義不如魯衛之暴戾者量秦之兵不如三晉之疆也然卒

并天下非必險固便形執利也蓋若天所助焉或曰
東方物所始生西方物之成熟夫作事者必於東南
收功實者常於西北故禹興於西羌湯起於亳周之
王也以豐鎬伐殷秦之帝用雍州興漢之興自蜀漢
韓非初見秦曰天下陰燕陽魏連荆固齊收韓而
成從將西面以與秦強爲難今秦地折長補短方數
千里名師數十百萬秦之號令賞罰地形利害天下
莫若也以此與天下不足兼而有也 田肯曰
秦形勝之國也帶河阻山縣隔千里持戟百萬秦得
百二焉地執便利其以下兵於諸侯譬猶居高屋之

上建瓴水也

巴蜀

甘茂曰張儀西并巴蜀之地北取西河之外南取

上庸

索隱張儀伐蜀蜀王開戰不勝為儀所滅

張儀說楚王曰秦西有

巴蜀大船積粟起於汶山浮江已下至楚三千餘

里舫船載卒一舫載五十人與三月之食下水而

浮一日行三百餘里里數雖多然而不費牛馬之

力不至十日而拒扞關扞關驚則從竟陵以東盡

城守矣黔中巫郡非王之有

蜀見於牧誓地與秦接通典云所謂巴賓

彭濮之人秦惠王使司馬錯伐蜀有其地利州益昌縣古劔閣道秦伐蜀所由謂之石牛道陳子昂

云昔蜀與中國不通秦以金牛美女啖蜀侯侯使
 五丁力士棧褒斜鑿通谷迎秦之饋秦隨以兵而
 地入中州元和郡縣志武王伐殷巴人助焉後封
 為巴子其地東至魚復西犍道接漢中南極牂柯
 是其界也戰國策秦伐蜀十月取之蜀既屬秦益
 强秦紀惠文九年滅蜀華陽國志云蜀之先肇於
 人皇之際黃帝為子昌意娶蜀山氏後子孫因封
 焉秦既滅蜀因以滅巴通典巴國今巴壁蓬集合
 忠萬是其地蘇氏曰秦之憂在六國也
 蜀最僻最小最先取楚最强最後取

漢中

楚地按秦紀孝公元年河山以東疆國六與齊威
 楚宣魏惠燕悼韓哀趙成侯並淮泗之間小國十
 餘所謂泗上十楚魏與秦接界魏築長城自鄭濱
 洛以北有上郡楚自漢中南有巴黔中周室微諸

侯力政爭相并秦僻在雍州不與中國諸侯之會

盟夷翟遇之正義云楚自梁州漢中郡南有巴渝過江南有黔中巫郡惠文十

三年庶長章擊楚於丹陽虜其將屈匄又攻楚漢

中取地六百里置漢中郡齊潛王遺楚王書曰王

欺於張儀亡地漢中李斯曰惠王用張儀之計南

取漢中蔡澤謂范雎相秦棧道千里通於蜀漢後漢注故城在梁州

南鄭縣東北

穀函

呂氏春秋九塞穀其一也左傳晉敗秦師于穀穀

二陵杜預曰穀在澠池縣西此道在二穀之間南谷中谷深委曲兩山相嵌故可以辟風雨古道由

此魏武帝西討巴漢惡其險而更開北山高道公羊傳云穀之嶽巖穀梁

傳云穀巖陰之下春秋正義云俗呼為土穀石穀

其阨道在兩穀之間水經注穀水又東逕土穀北所謂三嶠也甘茂自

穀塞及至鬼谷後語作槐谷注槐里之谷今京兆始平之地其地形險

易皆明知之郡縣志三嶠山隋大業元年廢三嶠道又名嶽

崱山在河南府永寧縣北二十八里自東嶠至西嶠三十五里

東嶠長坂數里峻阜絕澗車不得方軌西嶠石坂十二里漢馮異破赤眉於嶠底魏龐惠破張白騎

於兩穀間索隱鬼谷在關內雲陽寰宇記後割隸陝州郡國志弘農

故秦函谷關龜池有二嶠寰宇記後割隸陝州

硤石縣在縣東北四十六里硤石省為石秦函
壕鎮入陝縣硤石本嶠縣後魏置唐改秦函
谷關在陝州靈寶縣西南十二里函谷故城在縣南十里秦函谷

關城漢弘農縣隋桃林縣也西征記曰關城路在
谷中深險如函故以為名其中劣通上東西十五
里絕岸壁立岩柏陰蔭谷中始不見日關去長安
四百里日入則閉雞鳴則開秦法也東自崤山西
至潼津通名函谷號曰天險所謂秦得百二也桃
林塞自縣以西至潼關皆是也春秋時晉侯使詹
嘉處瑕守桃林之塞漢書注顏氏曰今桃林縣南
有洪溜澗水即古所謂函谷也其水北流入河夾
河之岸尚有舊關餘跡焉武帝元鼎張良曰關中
三年徙函谷關於新安縣屬河南府

左穀函

西都賦左有崤函重險桃林之塞范睢謂左

關阪即穀函也

淮南墜形訓賈生過秦曰秦孝公

據穀函之固

春秋時穀桃林

四塞

關河

張儀曰秦地被山帶河四塞以為固

劉伯莊曰河

山謂四面有山關之固故曰四塞高誘注徐廣曰東函谷南武

關西散關北蕭關東有函谷蒲津龍門合河等關南山及

武關嶢關西有大隴山及隴山關大震烏蘭等關

北有黃河南塞是四塞正義按秦地西有隴關東

有函谷臨晉南有嶢武關北有蕭居庸天井關以

臨胡庭故為關中地理志云秦地於禹貢跨雍梁

伯以河為竟惠王得二州詩風兼秦幽兩國穆公稱

被隴蜀南通漢中北據谷口東阻嶽巖關函守嶢

胡貉代馬

胡樓煩林胡之類國策貉在東北方三韓之屬漢書

注 鼂錯曰秦代郡有胡馬索隱一云張儀說韓

王曰秦馬之良探前跌後蹄閒三尋騰者不可勝

數蘇厲說趙王張良曰關中北有胡苑之利索隱

牧也馬代郡屬趙始皇二十五年虜代王嘉後周

生於胡代郡屬趙置蔚州馬邑屬鴈門郡後魏置

甘泉谷口

郡縣志甘泉山一名磨石嶺在京兆府雲陽縣雲

今屬西北九十里周迴六十里雲陽宮即秦之林

耀州西北八十里甘泉山上關中記甘泉宮在甘

泉山上宮北有連山西都賦其陰則冠以九峻陪

賦其遠則有九峻甘泉涸陰互寒郊祀志寒門者

谷口也

顏氏曰谷口仲山之北寒涼故謂寒門

地理

志左馮翊谷口縣九嶷山在西

溝洫志白公引涇水首起谷口顏氏

日即今雲陽縣治谷郡縣志京兆醴泉縣本谷口

縣在九嶷山東仲山西當涇水出山之處故謂之

谷口史記正義九嶷中山西謂之谷口即古寒門

在醴泉縣東北四十里西北去甘泉山八十里燕

鞠武曰秦地徧天下北有甘泉谷口之固南有涇

渭之沃擅巴漢之饒右隴蜀之山左關殺之險通

典谷口縣故城在醴泉縣北後漢及晉為池陽隋

改醴泉史記大事記文帝後元二年置谷口邑

隴

通典秦州

秦隴西漢天水郡隴縣今屬秦州隴城縣

有大坂曰

隴坻亦曰隴山

或謂之隴坂

三秦記曰其坂九迴上者

七日乃越

秦州隴城縣有大隴山亦曰隴首山西都賦右界褒斜隴首之險西京賦右

有隴坻之隘 隴州汧源縣隴山一曰隴坻漢隴關

今名大震 隴所以限東西 隴東則為漢三輔隴西則為漢天水隴西諸郡

唐隴右之地唐六典注 隴坻在秦州清水縣

涇渭

地理志開頭山 開苦見反又音牽括地志作并 在

安定涇陽縣西 原州平 禹貢涇水所出東南至陽

陵 京兆高陵 入渭 雍州百泉縣西南涇谷 鳥鼠同穴山

在隴西首陽縣西南 渭州渭源縣 渭水所出東至船司

空 華州華陰 入河 雍州 東方朔曰漢都涇渭之南所謂

天下陸海之地秦所以虜西戎兼山東者也 法言曰秦

東溝大河南阻高山西采雍梁
梁北鹵涇垠便則申否則蟠

燕酸棗虛桃邢

秦始皇紀五年將軍鷲攻魏定酸棗燕虛長平雍

邱山陽城皆拔之取二十城初置東郡地理志東

郡南燕縣

今滑州胙城陳留郡酸棗縣今開封府

州

正義云虛卽姚墟在濮州雷澤縣東十三里蘇代

曰決宿胥之口魏無虛頓邱徐廣曰燕縣有桃城

括地志故桃城在滑州胙城縣東三十里漢劉襄所封鮑氏曰任城有桃聚平皋有邢

邱正義邢邱在懷州武德縣東南二十里武德縣今省入河內縣平皋縣故城在西

蒲衍

左傳注蒲在陳留長垣縣西南桓三年晉命于蒲徐廣曰長垣有蒲

鄉輿地廣記古蒲邑在開封府長垣縣子路為之宰唐屬滑

州今按魏有蒲坂今河中府河東縣魏世有蒲陽家秦拔我蒲坂是也

故城在隰州隰川縣北四十五里在蒲水之北晉重耳所居邑魏世家秦降我蒲陽是也按此

當為長垣之蒲索隱云衍在河南與卷近蘇秦曰北有卷

衍正義云在鄭州秦紀始皇九年攻衍氏曹參世家柱天

侯反於衍氏進破衍氏正義謂魏邑在鄭州

首垣

戰國策韓侈謂秦王曰進齊宋之兵至首垣遠薄

梁郭趙世家公子刻攻魏首垣水經注竹書紀年

梁惠成王十三年鄭釐侯致平邱戶牖首垣諸邑

又云長垣縣故首垣秦更名長垣漢屬陳留今按

正義以首垣為二邑首即牛首故城在汴州陳留

故城在匡城縣東北二十七里廣記開封咸平縣

有牛首城水經注沙水又東南逕牛首亭東左傳

桓十四年宋伐鄭東郊取牛首襄十年晉伐鄭師

于牛首鮑氏亦以首垣為二河東蒲坂有首山所

謂雷首垣縣今愚謂魏有王垣垣縣有王屋山故

絳州垣曲縣起攻垣城秦始皇九年攻魏垣蒲有

陽是也正義故垣縣在絳州垣曲縣西北二十里

新垣魏世家秦拔我新垣曲陽之城是也正義此

首垣戰國策謂遠蒲梁郭當從水經注為陳留之

長垣

仁平邱

正義仁一本作任今任城縣屬濟州地理志屬東平地理

志平邱縣屬陳留春秋昭十三年盟平邱注云在

陳留長垣縣西南郡國志長垣有平丘城

黃濟陽

戰國策云外黃地理志縣屬陳留通典故城在汴州陳留縣東北

魏河北河南皆有黃城蘇秦說齊曰趙襲魏之河

北燒棘溝墜黃城括地志故黃城在魏州冠氏縣南十里此河北之黃城也春申

君傳正義故黃城在曹州考城縣東二十蘇代曰

外黃濟陽地理志陳留外黃縣注有黃溝左傳惠公敗宋師于黃注云外黃縣東有黃城

水經注河水舊在白馬縣南決通濮濟黃
溝廣記外黃故城在開封府雍邱縣東
正義濟

陽故城在曹州冤句縣西南三十五里
今開封府東明縣濟

陽鎮漢濟陽
縣屬陳留

濮磨
新序云
濮摩

徐廣云濮水北於鉅野入濟
永初山川記云源出
東郡地理志東郡濮

陽縣故城在開德府濮陽縣
東左傳哀二十七年
齊救鄭及濮注云濮水自陳留酸棗傍河東北經

濟陰至高
平入濟
索隱磨地名近濮
史記功臣表磨侯漢

有歷縣括地志漢歷縣城在滄州
表作歷地理志信都
六里蓼縣今屬冀州樂毅書磨室一作歷按戰國

策黃歇說秦王曰割濮磨之
北屬之燕則地在河北

沙羨

地理志縣屬江夏

漢沙羨地秦屬南郡劉表使黃

祖守沙羨為孫權所破楚世家熊渠伐庸楊粵至

于鄂注九州記曰鄂今武昌春申君傳秦使白起

攻楚取巫黔中之郡拔鄢郢東至竟陵復州秦紀

昭王二十九年起攻楚取郢為南郡李氏曰漢

江夏之鄂縣吳更名武昌今武昌縣是也今鄂

州乃漢沙羨水經注江中有沙陽洲沙陽縣治也

縣本江夏之沙羨晉改沙

陽故城今蒲圻縣一里

江南

戰國策城渾曰今邊邑之所恃者非江南泗上也

秦紀昭王三十年蜀守若伐取巫郡及江南為黔

中郡三十一一年楚人反我江南始皇二十五年王

翦定荆江南地楚世家襄王收東地兵復西取秦

所拔我江旁十五邑以為郡距秦楚辭章句襄王

遷屈原於江南在江湘之間韓貨殖傳衡山九江

非初見秦日取洞庭五湖江南

江南豫章長沙是南楚也徐廣曰江南者丹陽也秦鄣郡

巴戎

巴在西南戎在西楊倞注秦紀武公伐邽冀戎初縣

之繆公用由余謀伐戎王益國十二開地千里厲

共公伐大荔取其王城孝公西斬戎之獮王惠王

十一年縣義渠匈奴傳秦穆公得由余西戎八國服於秦自隴以西有繇諸緄戎翟

獮之戎岐梁山涇漆之北有趙良曰五殺大夫相

義渠大荔烏氏胸衍之戎秦巴人致貢八戎來服

常山

地理志常山郡今真定府恆山在西避文帝諱改通典常山

在定州恆陽縣今中山府北一百四十里楊侗注本趙山

秦今張儀說楚曰秦地半天下席卷常山之險

必折天下之脊索隱云常山於天下在北若人背

脊

臨慮

地理志隆慮縣屬河內今相州林慮縣後漢避殤帝名改

圍津

史記曹參世家至河內下修武渡圍津徐廣曰東

郡白馬有圍津索隱按水經注白馬津有韋鄉韋城韋與圍同古今字變正義括地

志云黎陽津一名白馬津在滑州白馬縣北三十里帝王世紀云白馬縣南有韋城故豕韋國郡國

志云白馬縣有韋城按韋津以韋為名或變改曰
黎陽及白馬之名圍與韋古字通滑州又有韋城
縣漢白馬去大梁百有二十里魏都也按九域志
縣地隋置滑州至東京二百
里二十

苓

楊倞注苓地名未詳所在或曰苓與靈同漢書地

理志常山郡有靈壽縣今屬真定松柏之塞戴延之西

征記函蓋趙樹松柏與秦為界今秦據有之按地理志

清河郡有靈縣輿地廣記
靈縣省入博州博平縣

西海

地理志金城郡臨羌縣西北至塞外有西王母石

室僊海關駟云西有卑和羌卽獻王莽地爲西海

郡者始皇紀云地西至臨洮羌戎通典西海郡肅州之北千二百

里司馬錯曰利盡西海正義云西方羌戎索隱云謂蜀川

西羌

禹生自西羌皇甫謐曰孟子稱禹生石紐西夷人

也今孟子無此語括地志石紐山在茂州汶川縣本冉駝國西

七十三里蜀王本紀禹本汶山郡廣柔縣人秦宓曰

禹生石紐今之汶山郡是也輿地廣記綿州石泉縣本漢廣柔縣地唐

屬茂州有石紐山禹之所生也

趙

蘇秦說趙肅侯曰當今之時山東之建國莫彊於趙
趙地方二千餘里西有常山南有河漳東有清河北
有燕國燕固弱國不足畏也秦之所害於天下者莫
如趙然而秦不敢舉兵伐趙者何也畏韓魏之議其
後也然則韓魏趙之南蔽也竊以天下之地圖案之
諸侯之地五倍於秦料度諸侯之卒十倍於秦六國
爲一并力西鄉而攻秦秦必破矣竊爲大王計莫如
一韓魏齊楚燕趙以從親以畔秦令天下之將相會
於洹水之上通質割白馬而盟要約曰秦攻楚齊魏
各出銳師以佐之韓絕其糧道趙涉河漳燕守常山

之北秦攻韓魏則楚絕其後齊出銳師而佐之趙涉
河漳燕守雲中秦攻齊則楚絕其後韓守成皋魏塞
午道趙涉河博關燕出銳師以佐之秦攻燕則趙守
常山楚軍武關齊涉勃海韓魏皆出銳師以佐之秦
攻趙則韓軍宜陽楚軍武關魏軍河外齊涉清河燕
出銳師以佐之諸侯有不如約者以五國之兵共伐
之六國從親以擯秦則秦甲必不敢出於函谷以害
山東矣 武靈王北略中山之地至於房子遂之代
北至無窮西至河登黃華之上召樓緩謀曰我先王
因世之變以長南藩之地屬阻漳滏之險立長城又

取藺郭狼敗林人於荏而功未遂今中山在我腹心
北有燕東有胡西有林胡樓煩秦韓之邊而無彊兵
之救 王謂公子成曰吾國東有河薄洛之水與齊
中山同之無舟楫之用自常山以至代上黨東有燕
東胡之境而西有樓煩秦韓之邊今無騎射之備故
寡人無舟楫之用夾水居之民將何以守河薄洛之
水變服騎射以備燕三胡秦韓之邊且昔者簡主不
塞晉陽以及上黨而襄主并戎取代以攘諸胡此愚
智所明也先時中山負齊之彊兵侵暴吾地係累吾
民引水圍鄆微社稷之神靈則鄆幾於不守也先王

醜之而怨未能報也今騎射之備近可以便上黨之
形而遠可以報中山之怨 韓非子應侯謂秦王曰
弛上黨以臨東陽則邯鄲口中蝨也 蘇厲爲齊遺
趙王書曰燕盡齊之北地去沙邱鉅鹿斂三百里韓
之上黨去邯鄲百里燕秦謀王之河山閒三百里而
通矣秦之上郡近扞關至於榆中者千五百里秦以
三郡攻王之上黨羊腸之西句注之南非王有已踰
句注斬常山而守之三百里而通於燕代馬胡犬不
東下昆山之玉不出此三寶者亦非王有已 戰國
策說張相國曰趙萬乘之強國也前漳滏右常山左

河間北有代帶甲百萬嘗抑彊秦四十餘年而秦不

得所欲 樂閒對燕王曰趙四戰之國也其民習兵

正義東隣燕齊西邊秦樓 韓非初見秦曰趙氏中

煩南界韓魏北迫匈奴

央之國也雜民所居也 趙居邯鄲燕之南齊之西魏

國人故

曰雜

常山

正義在鎮州西定州恆陽縣北 百四 地道記云在

上曲陽縣 即恆陽今 西北百四十里北行四百五

十里得常山吸號飛狐口北則代郡也世家毋郵

曰從常山上臨代代可取也 括地志上曲陽故城

在定州曲陽縣西五

里

河漳

正義在潞州地理志濁漳出上黨長子縣鹿谷山

今潞州長子縣發鳩山東至鄴入清漳清漳出沾縣大龜谷今平定軍樂平縣少

山東北蘇秦曰秦甲渡河踰漳據番吾則兵必戰

於邯鄲之下矣括地志蒲吾故城在鎮州房山縣東二十里言秦兵渡河歷南陽入

羊腸經澤潞渡漳水守蒲吾城則與趙戰於都城

下趙世家惠文王二十一年徙漳水武平西二

十六年徙漳水武平南括地志武平亭在瀛州文安縣北七十二里張儀曰秦趙戰

於河漳之上再戰而趙再勝河一作清洺州有清漳縣山海經少山清

漳水出焉郭璞曰至武安南入濁漳

清河

今貝州漢清河郡張儀說趙曰秦告齊使興師渡

清河軍於邯鄲之東

水經清水東入于河謂之清口即淇河口也淇水東北過

廣宗縣東為清河地理志清河

洹水

正義出相州林慮縣西北林慮山中

地理志注隆慮山在縣北

洹水在相州北四里

項羽與章邯盟洹水南殷虛上

正義國都

城記云鄴縣城西南四十里有洹水

輿地廣記相州臨漳縣本鄴縣

後周分東北界置洹水縣

省入大名府成安

山海經神

困之山黃水出焉東流注于洹隋圖經俗謂安陽

河卽聲伯夢涉之所

雲中

正義故城在勝州榆林縣東北四十七里漢匈奴

傳趙武靈王北破林胡樓煩自代並陰山下至高

闕為塞置雲中鴈門代郡

雲中郡今勝州單于府之地

趙世家

武靈王二十六年復攻中山攘地北至燕代西至

雲中九原二十七年西北略胡地欲從雲中九原

直南襲秦

水經注虞氏記云趙侯自五源河曲築長城東至陰山又於河西造大城一箱

不就乃改卜陰山河曲畫見羣鵠遊于雲中光在其下卽其處築城今雲中城是也唐志烏咄谷二

百七里至古雲中城

午道

張儀說趙曰秦一軍塞午道索隱曰當在趙之東

齊之西鄭立云一縱一橫為午謂交道也

鮑氏曰長安有

子午谷北山是子南山是午為子午道則午道秦南道也塞之使不得通

博關

正義涉貝州南河至博陵今博州博平縣漢屬東

郡張儀說齊曰悉趙兵渡清河指博關臨菑卽墨

非王之有也

輿地廣記博州戰國屬齊趙衛三國之交徐廣曰齊威王六年晉伐齊至

博陵

勃海

正義齊從滄州渡河至瀛州溝洫志河出昆侖經
中國注勃海漢置渤海郡後魏置滄州春秋釋例
云海自遼西北平漁陽章武渤海樂陵樂安北海
東萊城陽東海廣陵吳郡會稽十四郡之東界以
東

河外

索隱謂陝及曲沃等處正義謂同華州張儀說齊
曰梁效河外索隱云河之南邑說趙曰秦驅韓梁
軍於河外正義謂鄭滑

中山

春秋時爲鮮虞定四年傳中山不服中山之名乃

始見于此

大事記威烈王十二年中山武公初立索隱曰中山古鮮虞國姬姓魏文

侯使樂羊伐取之及武侯之世趙世家書與中山

戰于房子是時蓋已復國其後與諸國並稱王其

勢又強矣廣記中山府安喜縣古中山國

新樂縣古鮮虞

國李公緒趙記云鮮虞姬姓春秋之末曰中山

房子

縣屬趙州唐改爲臨城

郡縣志故城在高邑縣西南十五里穆天子傳曰至

房子登贊皇山漢屬常山郡

代

北狄之別也世家曰翟犬者代之先也匈奴傳趙襄子踰句注而破并代以臨胡貉正義代郡城北狄代國秦漢代縣城也在蔚州羌胡縣當作飛狐北百五十里輿地廣記蔚州本代國在常山之北趙襄子定代地及武靈王置代郡趙有代句注之北與戎界邊

無窮

戰國策武靈王破原陽以爲騎邑牛贊進諫王曰昔者先君襄王與代交地城境封之名曰無窮之門所以昭後而期遠也

黃華

正義蓋西河側之山名

水經注隆慮縣有黃水出

州林慮縣木漢隆慮

于神困山黃華谷北崖相

西北崖上高十七里去地

隋圖經黃花水出隆慮縣

趙都賦置酒乎黃華之館

劉劭

漳滏

通典相州滏陽縣有漳河滏水

今屬磁州郡國志鄴有

滏水

劉劭趙都賦清漳發源濁滏汨越湯泉涪沸

而右漳滏文選注滏水熱若出於釜因名焉郡縣

志滏水出磁州滏陽縣西北四十二里鼓山亦名

釜山泉源奮湧若釜水之湯湯故以滏名之入陘

第四曰滏口陘山嶺高深實為險阨淮南墜形訓

清漳出楊辰濁漳出發包釜出景注二漳合流經

魏郡入清河景山在邯鄲西南滏水所出山海

經神困之山滏水出焉東流注于歐水注滏水今

出臨水縣西釜口山經鄴西北至列人縣入于漳

其水熱魏都賦北臨漳溢則冬夏異沼水經注出石鼓山南巖下冬溫夏冷東流注于漳又謂之合河

長城

世家肅侯

十七年

築長城括地志武靈王長城在朔

州善陽縣北按此所謂立長城者在武靈王之前

藺郭狼

地理志西河郡有藺皋狼二縣戰國策知伯之趙

請蔡皋狼之地襄子弗與

鮑氏云蔡當作藺世家成侯三年魏敗我藺二

十四年秦攻我藺肅侯二十二年秦取我藺離石屬西河今石州

魏世家武侯敗趙北藺正義云在石州

趙之西北

郭狼疑是皋狼

孟增幸於周成王是為宅皋狼蓋成王居

之於
阜狼

林人 林胡 樓煩

正義林人即林胡也匈奴傳晉北有林胡樓煩之

戎如淳曰林胡即澹林為李牧所滅

括地志朔州地馮唐曰李

牧破東胡滅澹林李牧傳云滅稽濫破東胡降林胡則稽濫非林胡也

地理志樓煩

縣屬鴈門應劭曰故樓煩胡也

故城在代州崞音郭縣東北

趙

世家主父行新地出代西遇樓煩王於西河而致

其兵

東胡

正義趙東有瀛州之東北營州之境即東胡烏丸

之地服虔云後為鮮卑在匈奴東故曰東胡匈奴傳燕北有東胡周書

已有其後燕將秦開襲破之括地志云漢初冒頓滅其國餘保烏丸山

因以東胡為號山海經東胡在大澤東

西邊

正義云林胡樓煩即嵐勝之北也嵐勝以南石州

離石蘭等七國時趙邑邊也秦隔河也晉洛潞澤

等州皆七國時韓地為並趙西境也

河薄洛之水

徐廣云安平經縣西有漳水津名薄洛津水經注漳水又

歷經縣故城西水有故津謂之薄洛津按漢信都國安帝更名安平通典貝州經城縣漢經縣也

本朝省入大
名府宗城縣
袁紹在薄落津

上黨

地理志本韓之別郡也遠韓近趙

後卒

降趙韓非初見秦曰代四十六縣上黨十七縣廣
地記云秦上黨郡今澤潞遼州平定威勝軍之

三胡

索隱云林胡樓煩東胡

晉陽

漢太原郡所治龍山在西北晉水所出北齊分晉
陽置龍山縣隋開皇十年改龍山曰晉陽而以古

晉陽縣為太原縣

隋唐地理志所謂晉陽縣乃古龍山縣所謂太原縣乃古晉陽

縣

自北漢劉氏以前郡治太原晉陽二縣

太平興國四年

王師下北漢徙州治陽曲縣本漢狼孟縣地而空

其故城郡縣志太原府城中又有三城其一曰大明城即古晉陽城也左傳言董安子

所築晉陽故宮一名大明宮在州城內

鄆

郡縣志漢以為縣屬常山

武靈王三年城鄆

光武即位於

鄆南千秋亭五成陌因改曰高邑

高齊移高邑於漢房子縣東北

今高邑縣是也隋於漢鄆城南十八里改置

輿地

廣記趙州高邑縣左傳哀四年齊國夏伐晉取鄆

即此

鄆音呼谷反趙世家武靈王二十一年攻中山王軍取鄆石邑封龍東垣中山獻四邑和

孫氏曰騎兵始於戰國之初武靈王胡服騎射全用匈奴之俗而古法於是大變春秋正義曰古者馬以駕車六國之時始有單騎曲禮云前有車騎者漢世書耳左傳左師展將以公乘馬而歸此騎馬之漸戰國策王破原陽以為騎邑呂氏曰胡服騎射蓋始教一邑然後徧行之於境內漢地理志雲中原

東陽

左傳趙勝帥東陽之師以追齊杜氏注東陽晉之山東魏郡廣平以北戰國策國子曰兼魏之河南

絕趙之東陽則趙魏亦危矣

地理志清河郡有東陽縣輿地廣記恩州

歷亭縣漳南鎮本漢東陽縣隋改漳南唐屬貝州

沙邱 鉅鹿

殷紀紂益廣沙邱苑臺括地志沙邱臺在邢州平

鄉東北二十里地理志趙中山地薄人眾猶有沙

邱紂淫亂餘民正義沙邱邢州也鉅鹿冀州也

括地

志鉅鹿邢州平鄉縣城齊北界貝州也言破齊滅韓之後燕

之南界秦之北界相去減三百里趙在中閒也呂

氏春秋九藪趙之鉅鹿

注今鉅鹿廣阿澤廣記邢州鉅鹿縣有禹貢大陸澤

地理志鉅鹿縣大陸澤在北紂所作沙丘臺在東北七十里應劭曰鹿林之大者十三州志唐虞時

大麓之地

上郡

正義鄜延等州

通典今綏鄜銀麟夏坊延丹等州地

括地志故城在

綏州上縣

通典龍泉縣

東南五十里

秦惠文十年魏納上郡十五縣廣記

云上郡今麟延安丹坊郵銀夏綏德保安之地

扞關

呂氏云扞者扞敵之扞非關名也趙之扞關陸道

之關也楚之扞關水道之關也

楚肅王四年為扞關以距蜀

榆中

武靈王二十年西略胡地至榆中戰國策王胡服

率騎入胡出於遺遺之門踰九限之固絕五徑之

險至榆中辟地千里

括地志榆中勝州所治榆林縣正義勝州北河北岸地理

志金城郡有榆中縣通典故城在蘭州五泉縣東伍被傳廣長榆開朔方注長榆在朔方即衛青

傳所云榆谿舊塞或謂之榆中秦始皇紀西北斥
逐匈奴自榆中並河以東屬之陰山以爲三十四
縣項羽傳云蒙恬爲秦將北逐戎人開榆中地數
千里注在上郡卽今之榆林廣記榆林縣南有榆
溪塞卽蒙恬侵胡植榆爲塞是也東有榆林關隋
開皇三年置衛青傳按榆谿舊塞索隱水經云上
郡北有諸次山諸次水出焉東經榆林塞爲榆谷
正義今榆林縣東四十里東北臨河枚乘曰秦北
備榆中之關

邯鄲

趙世家敬侯元年始都邯鄲地理志自中牟徙此

邯鄲北通燕涿南有鄭衛漳河之間一都會也張晏

曰邯鄲山在東城下縣屬趙國今屬磁州有叢臺
趙王故臺也戰國策馮忌曰武安君乘七勝之威
與馬服之子戰於長平之下因以餘兵圍邯鄲趙
以亡敗之餘眾而秦罷於邯鄲之下趙守而不可

拔攻難而
守者易也

羊腸

魏世家如耳曰昔者魏代趙斷羊腸拔闕與約斬

趙趙分而為二所以不亡者魏為從主也蔡澤謂

應侯曰君相秦坐制諸侯決羊腸之險塞太行之

道正義云太行山阪道名南屬懷州北屬澤州呂

氏春秋九山之一也盤紆如羊腸秦上黨郡今澤潞儀沁四州之

地兼相州之半韓總有之至七國時趙得儀沁二

州之地韓猶有潞州及澤州之半半屬趙魏沁州

在羊腸阪之西儀并代三州在句注山之南秦以

三郡攻趙之澤潞則句注之南趙無地淮南子注

云說苑桀之居伊闕在其南羊腸在其北今太原

晉陽西北九十里通河西上郡關曰羊腸坂是通

句注

典太原府陽曲縣有乾燭谷即羊腸坂後漢鄧訓傳注石磴縈委若羊腸焉今嵐州界羊腸坂對日隋煬帝登太行山問崔躋曰何處有羊腸坂對日案漢書地理志上黨潞州壺關縣有羊腸坂對日不是又答曰案皇甫士安撰地書云太原北九十里有羊腸坂帝曰是也戰國策說秦王曰西北九十武踰羊腸降代上黨郡縣志羊腸山在太原府交城縣東南五十三里

正義句注山音章句之在代州鴈門縣西北四十

里郡縣志在朔州鄯陽縣東八十里代州鴈門縣西北三十里一名西陁山呂氏春秋

九塞之一也地理志在鴈門陰館縣劉劭趙都賦其近則有天

井句注飛狐太行權錯礫屬阜連岡劉敬傳漢兵已踰句注蘇厲曰齊反至分先俞於趙正義至

音邢分當作山括地志句注山一名西陁山俞音戍爾雅云西隄鴈門是也郭氏注云西隄即鴈門

河閒

山按西先聲相近蓋陞山西隄二山並在代州鴈
門縣皆趙地趙世家襄子北登夏屋括地志夏屋
山一名賈屋山在代州鴈門縣東北三十五里與
句注山相接蓋北方之險亦天下之阻鴈門縣本
漢廣武地理志賈屋山在太原廣武縣北匈奴傳
趙襄子踰句注而破并代漢文紀蘇意為將軍屯
句注郡國志注爾雅八陵西隄鴈門是也張儀說
燕曰昔趙襄子欲并代與代王遇於句注之塞郡
縣志晉咸寧元年句注碑曰蓋北方之險有盧龍
飛狐句注為之首天下之阻所以分別外內也

瀛州地理志注在兩河之間

甲戰國策趙王曰秦下
攻趙趙賂之以河

閒十
二縣

通鑑地理通釋卷八

通鑑地理通釋卷八

三

五

三

浙江書局總校董紹舒分校

蔣學溥校
高念曾校

通鑑地理通釋卷九

浚儀王應麟伯厚甫

七國形勢攷中

魏

蘇秦說魏襄王曰大王之地南有鴻溝陳汝南許鄆
昆陽召陵舞陽新都新鄭東有淮潁煮棗無胥西有
長城之界北有河外卷衍酸棗地方千里地名雖小
然而田舍廬廡之數曾無所芻牧人民之眾車馬之
多日夜行不絕鞦韆殷殷若有三軍之眾臣竊量大
王之國不下楚說趙曰秦之攻韓魏也無有名山

大川之限稍蠶食之傳國都而止 衛鞅曰魏居嶺
阨之西都安邑與秦界河而獨擅山東之利 張儀
說魏王曰魏地四平諸侯四通輻湊無名山大川之
限從鄭至梁二百餘里車馳人走不待力而至梁南
與楚境西與韓境北與趙境東與齊境卒戍四方守
亭鄣者不下十萬梁之地勢固戰場也梁南與楚而
不與齊則齊攻其東東與齊而不與趙則趙攻其北
不合於韓則韓攻其西不親於楚楚攻其南此所謂
四分五裂之道也 蘇代約燕王曰秦正告魏曰我
舉安邑塞女戟韓氏太原卷我下軹道南陽封冀包

兩周乘夏水浮輕舟彊弩在前鏃戈在後決滎口魏
無大梁決白馬之口魏無外黃濟陽決宿胥之口魏
無虛頓巨陸攻則擊河內水攻則滅大梁魏氏以爲
然故事秦 魏安釐王以秦救之故欲親秦而伐韓
以求故地無忌謂魏王曰秦與戎翟同俗有虎狼之
心貪戾好利無信不識禮義德行苟有利焉不顧親
戚兄弟若禽獸耳此天下之所識也今韓氏以一女
子奉一弱主內有大亂外交彊秦魏之兵王以爲不
亡乎韓亡秦有鄭地與大梁鄰王以爲安乎王欲得
故地今負彊秦之親王以爲利乎秦非無事之國也

韓亡之後必將更事更事必就易與利就易與利必
不伐楚與趙矣是何也夫越山踰河絕韓上黨而攻
強趙是復闕與之事秦必不爲也若道河內倍鄴朝
歌絕漳滏水與趙兵決於邯鄲之郊是知伯之禍也
秦又不敢伐楚道涉谷水行三千里而攻冥阨之塞
所行甚遠所攻甚難秦又不爲也若道河外倍大梁
右蔡左召陵與楚兵決於陳郊秦又不敢故曰秦必
不伐楚與趙矣又不攻衛與齊矣夫韓亡之後兵出
之日非魏無攻已秦固有懷茅邢邱安城坭津以臨
河內河內其汲必危有鄭地得垣雍決滎澤水灌大

梁大梁必亡王之使者出過而惡安陵氏於秦秦之
欲誅之久矣秦葉陽昆陽與舞陽高陵鄰聽使者之
惡之隨安陵氏而亡之繞舞陽之北以東臨許南國
必危國無害已夫憎韓不愛安陵氏可也夫不患秦
之不愛南國非也異日者秦在河西晉國去梁千里
有河山以闌之有周韓以閒之從林鄉軍以至于今
秦七攻魏五入國中邊城盡拔文臺墮垂都焚林木
伐麋鹿盡而國繼以圍又長驅梁北東至陶衛之郊
北至平闕所亡於秦者山南山北河外河內大縣數
十名都四百秦乃在河西晉去梁千里而禍若是矣

又況於使秦無韓有鄭地無河山而闌之無周韓而
閒之去大梁百里禍必由此矣呂氏曰信陵君之言
深切綜練識天下之
大勢使魏王能用其計糾率楚趙竭力助韓則韓不
至於失上黨趙不至於敗長平六國亦不至為秦所
吞矣

鴻溝

河渠書滎陽下引河東南為鴻溝以通宋鄭陳蔡
曹衛與濟汝淮泗會于楚索隱云楚漢中分之界
文穎云即今官渡水也蓋為二流一南經陽武縣
今屬東京為官渡水一東經大梁城即河溝今之汴河
是也正義應劭云在滎陽東南二十里張華云大

梁城在浚儀縣此縣西北渠水東經此城南又北

屈分爲二渠其一渠東南流始皇鑿引河水以灌

大梁謂之鴻溝楚漢會此處也程氏曰鴻溝之名蘇秦固嘗言之不

待始皇其一渠東經陽武縣南爲官渡水張洎云

乃有也榮澤下分大河爲陰溝引注東南以通淮泗至大

梁浚儀縣西北復分二渠一渠東經陽武縣中牟

臺下爲官渡水一渠始皇疏鑿以灌魏都謂之鴻

溝荏苒若渠自滎陽五池口東注之其鴻溝卽出河

之溝亦曰荏苒若渠地理志滎陽縣汴水在西南有

狼湯渠首受沛東南至陳入潁陳留縣魯渠水受

睢水首受狼湯水東至取慮入泗郡國志滎陽有

鴻溝水

正義云歷浚儀南晉志浚儀有鴻溝在西楚漢中分

天下處

東京開封縣有汴河蓋古荏蕩渠也祥符

縣本大

梁竹書紀年云梁惠王三十一年爲大溝

於此郭以行圃田之水縣北有浚水像而儀之故
謂之浚儀中牟縣北十二里有中牟臺是為官渡
城水經注禹塞滎澤開渠以通淮泗胡氏曰據後
漢書則平帝時已有汴渠史曰渠隄自滎陽而東
則上疑其為鴻溝下疑其為官渡者恐未得其要
官渡直黃河也故袁曹相距沮授曰悠悠黃河吾
其濟乎汴渠自西而東鴻溝乃橫互南北史記將
相表高帝四年與楚界洪渠即鴻溝也水經注尉
氏縣有鴻溝
鄉鴻溝亭

陳 汝南

陳國楚滅為縣頃襄王自郢徙都兼為魏境今陳州

汝南春秋時屬沈蔡戰國屬楚魏漢置汝南郡今蔡州

州地理志魏南有汝南之召陵濇疆新汲西華長

平

許鄆

鄆

許本許國漢為潁川許縣魏改曰許昌

今省入潁昌府長社

縣許田鎮鄆戰國策作鄆楚昭陽伐魏取鄆漢屬潁川

唐鄆城縣屬蔡州今屬潁昌府鄆春秋鄭伯克段于鄆鄭語入周

語注妘姓之國為鄭武公所滅漢陳留有僞縣應

劭曰鄭伯克段於鄆是也後漢鄆屬梁國又晉敗楚鄆陵

漢潁川有僞陵縣注云六國曰安陵今東京鄆陵縣也二縣當有別而傳注雜而言之括地志鄆陵

故城在許州鄆陵縣西北十五里張儀謂魏王曰楚破南陽九夷內沛許鄆陵危韓世家秦伐敗我

鄆郡縣志故鄆城在宋州寧陵縣南五十三里漢之鄆縣鄭伯克段於此寧陵本朝屬拱州

昆陽

漢屬潁川應劭曰昆水出南陽

南陽魯陽有昆水東南至定陵入汝

汝州葉縣北二十五里有昆陽城光武破尋邑之

所

召陵

漢屬汝南卽齊桓公伐楚次于召陵括地志故城

在豫州

卽蔡州

鄆城縣東四十五里

今屬潁昌府

秦紀惠

王十四年伐楚取召陵

舞陽

漢屬潁川應劭曰舞水出南

樊噲所封

唐屬許州括地

志故城在許州葉縣東十里

今縣屬潁昌府

新都

漢屬南陽郡國志新野縣有東鄉故新都王莽封今新野

省入鄧州穰縣

新鄴

漢屬汝南索隱即鄴故城在潁州汝陰縣西北

見上

淮潁

二水名地理志淮水出南陽平氏縣今唐州桐柏

大復山潁水出潁川陽城縣今河南府登封縣陽乾山正義

云淮陽潁川二郡

蕘棗

徐廣曰在宛句

輿地廣記興仁府曹州宛亭縣有故蕘棗城樊噲從攻項籍屠蕘棗

晉灼曰地理志

無也清河有蕘棗城功臣表有蕘

棗侯顏師古曰

既云攻項籍則其地當在大河之

南非清河之城

田齊世家蘇代謂田軫曰客有言

日魏王謂韓馮

張儀曰蕘棗將拔齊兵又進子來

救寡人則可矣

正義蕘棗故城在冀州信都縣東

北五十里漢革

朱國故老傳云六國時於此蕘棗

油今按蘇秦謂

東有蕘棗當從徐廣之說宛句縣

漢屬濟陰一作

宛胸大觀二年改宛亭郡國志宛

句有蕘棗城水

經注北濟自

濟陽縣北東北

逕蕘棗城南

無胥

地闕戰國策東有淮潁沂黃蕘棗海鹽無疏鮑氏

云沂水出泰山蓋縣

沂州新泰縣

艾山黃卽陳留外黃

注東京雍邱縣戰海鹽未詳解州解安邑有鹽池

國策韓氏圍黃邑鹽池在西南左傳郇瑕氏之地

地理志河東安邑鹽池是山海經景山南望鹽販

長城

穆王漢章帝並幸安邑觀鹽池

徐廣曰滎陽卷縣有長城經陽武縣屬到密秦紀

魏築長城自鄭濱洛以北有上郡正義鄭華州縣

洛漆沮也魏世家惠王十九年築長城塞固陽以備

秦及西戎桐陽漢屬五原郡括地志漢舊縣在

銀州銀城縣界正義按魏築長城自鄭濱洛北庭

銀州至勝州固陽縣為塞也固陽有連山東至黃

河西南至夏會等州水經注濟濱又東逕陽武縣

故城北又東絕長城竹書紀年梁惠

成王十年龍賈帥師築長城于西邊

河外

正義謂河南地按晉語入河外列城五注云河東也晉以河東為河外魏以河南為河外張儀說魏王曰秦下兵攻河外據卷衍酸棗說齊曰梁效河外索隱謂河外河之南邑若曲沃平周等魏世家秦復予我河外無忌率五國兵攻秦敗之河外蘇秦說趙曰魏弱則割河外

卷衍

正義卷城在鄭州原武縣西北七里漢河南有卷

縣輿地廣記故城衍在鄭州亦曰衍氏後漢注卷故城在原

在武縣東

武縣西北蘇秦說趙曰據
衛取淇卷則齊必入朝秦

酸棗

漢屬陳留以棘名邦魏世家文侯三十二年伐鄭城酸

棗取鄭地而城之也唐屬滑州今屬東京漢文帝時河決金隄卽此有酸棗臺

括地志故城在縣北十五里古酸棗縣南水經注

竹書紀年曰魏襄王十年大霖雨疾風河水酸棗

郭漢世塞之說苑翟黃曰酸棗無令臣進北門

梁 大梁

地理志陳留郡浚儀故大梁魏惠王自安邑徙此號曰梁今東京祥符

縣魏世家惠王三十一年秦用商君東地至河而

齊趙數破我安邑近秦於是徙治大梁水經注大梁城本春

秋之陽武高陽鄉於戰國爲大梁周梁伯之居竹
書紀年梁惠成王九年四月甲寅徙邦于大梁

酈食其曰陳留天下之衝四通五達之郊也太史

公曰吾適故大梁之墟墟中人曰秦之破梁引河

溝而灌大梁三月城壞王請降遂滅魏 王假元年

又曰吾過大梁之墟求問其所謂夷門夷門者城

之東門也張儀說魏史記云從鄭至梁二百餘里

戰國策云從鄭至梁不過百里從陳至梁二百餘

里按九域志鄭州至東京一百四十里陳州至東

京二百四十五里當以國策爲正又曰卒戍四方

守亭障者參列粟糧漕庾不下十萬鮑氏謂他國

或有山川闕塞唯梁無之皆以卒戍守本朝都大
梁太祖欲西遷洛陽據山河之固曰不出百年民
力殫矣後山陳氏謂開封無山川之阻為四戰之
地故太祖以兵為衛畿內常用十四萬人

安邑

郡縣志故城在陝州夏縣東北十五里禹所都地

理志河東安邑魏絳自魏徙此至惠王徙大梁唐屬

河中府今屬解州魏世家武侯二年城安邑秦紀昭王二

十一年魏獻安邑以為河東郡汾水可以灌安邑正義云安

邑在絳州夏縣本魏都汾水東北歷安邑西南入河戰國策城渾曰蒲坂平

陽相去百里秦人一夜而襲之安邑不知國子曰
安邑者魏之柱國也晉陽者趙之柱國也鄆鄆者
楚之柱國也

柱國都也

女戟

劉伯莊曰蓋在太行山之西戰國策蘇代謂齊王
曰秦舉安邑而塞女戟韓之太原絕韓氏索隱云
韓國宜陽也太原劉伯莊云當爲太行索隱云太
衍字原當爲京京屬滎陽

軹

索隱云河內軹縣水經注竹書紀年梁惠成王十

三年鄭釐侯使許息來致地平邱戶牖首垣諸邑
及鄭馳地我取枳道與鄭鹿戰國策蘇代曰秦下
軹道南陽而伐魏絕韓包二周蘇厲曰齊反温軹
高平於魏輿地廣記漢軹縣屬河內唐貞觀元年
省入孟州濟源縣故城在縣東南正義軹在懷州
濟源縣南三十里後屬孟州政軹深井里人秦紀昭王十六年左更錯取軹唐
地理志濟源縣西有故軹關蘇秦說趙曰秦下軹
道則南陽危

南陽

地理志河內郡修武應劭曰晉始啟南陽今南陽
城是也秦改曰修武水經注修武故甯亦曰南陽
馬季長曰晉地自朝歌以北

至中山為東陽朝歌以南至軹縣為南陽應劭地理風俗記曰河內殷國也周名為南陽臣瓚

云韓非書秦昭王越趙長平西伐修武時秦未兼

天下修武之名久矣劉氏云修武則甯武王伐紂

名之秦紀昭王三十三年魏入南陽以和張儀傳

魏絕南陽白起傳攻南陽太行道絕之輿地廣記

懷州修武縣本商之甯邑武王伐紂勒兵於甯更

名修武韓詩外傳唐武德四年改為武陟而別置修武

縣於隋修武縣故城郡國志修武故南陽南陽有二修武

即晉魏之南陽也南陽郡今鄧州也魏世家段干子請予秦南陽以

和

封冀

索隱封陵冀邑皆在魏境魏世家哀王十六年秦

拔我蒲反陽晉封陵

紀年作晉陽封谷正義
封陵在蒲州今河中府徐廣

云河東皮氏縣東北有冀亭

晉荀息曰冀為不道
皮氏今河中府龍門

縣秦紀惠王九年渡河取皮氏正義
封陵在古蒲坂縣西南河曲之中

兩周

正義王城及鞏世本西周桓公居河南東周惠公

居洛陽呂氏曰平王東遷之後所謂西周者豐鎬

也東周者東都也威烈王之後所謂西周者河南

也東周者洛陽也考王封其弟揭於河南以續周

公之職是為河南桓公

王城故地

威烈王嗣位西周惠

公封其少子班於鞏以奉王實東周惠公此東西

周公之始也

東周王所居之洛陽也鞏班之采邑也

顯王二年趙與

韓分周為二東西周各為列國顯王雖在東周特

建空名於其上耳自是而後凡征伐謀策稱東西

周君者皆謂二周君也周本紀云赧王時東西周

分治非也赧王特徙都西周耳

滎口 滎澤

索隱滎澤之口與今汴河口通其水深可以灌大

梁

敵國明言之而魏不為備

水經濟水又東合滎瀆注云瀆水

受河水有石門謂之滎口石門蓋故滎播所道自

此始渠出滎陽北河東南過中牟之北又東至浚

儀注云秦始皇二十二年王賁斷故渠引水東南

出以灌大梁溝洫志王橫言秦攻魏決河謂之梁

溝濟水又東逕滎澤北京相璠曰滎澤在滎陽縣

曰甲寅天子浮于滎水乃奏廣樂晉地道志濟自

大伾入河與水關南決為滎澤通典鄭州滎澤

縣禹貢濟水洸為滎即此今濟水不復入滎濟水

東流經温縣入河郡國志曰因王莽末旱此渠枯

涸濟水但入河而已不復截流而南水經乃核禹

貢舊道斯不詳之甚左傳注滎陽釋文云本或作

滎史記正義云滎瀆渠首起滎澤縣西北二十里

郡國志河南滎陽有費澤注云左傳宣十二年及

滎澤村預曰縣東滎澤也郡縣志

鄭州滎陽縣西北四里有故瀆

玉海通鑑地理通釋卷九

生

白馬之口

索隱白馬津在東郡決其流以灌外黃濟陽水經

注竹書紀年梁惠成王十二年楚師出河水以水

長垣之外金隄既建金隄在白馬界故渠水斷尚謂之白

馬瀆韓非初見秦曰決白馬之口以沃魏氏張儀

說趙曰守白馬之津正義云在滑州白馬縣北三十里水經注白馬縣神馬亭

開山圖所謂白馬山也山上常有白馬羣行悲鳴則河決

外黃濟陽

外黃漢屬陳留張晏曰魏郡有內黃故加外地理志注

左氏傳曰惠公敗宋師于黃杜預以為外黃縣東有黃城故城在開封府雍邱縣東六十里唐貞觀

元年省後梁太祖幸河北至內黃顧李延曰何謂
內黃延曰河南有外黃下黃故此名內黃太祖曰
外黃下黃何在延曰秦有外黃都尉今在雍邱下
黃為北齊所廢今在陳留五代通錄河南有外黃
小黃故河北有內黃小黃為齊高所廢其
故城今在陳留小黃故城在陳留縣東北濟陽水
經注云陳留風俗傳曰縣故宋地竹書紀年梁惠
成王三十年城濟陽漢陳留郡濟陽縣唐省入宛
句建隆四年為濟陽鎮屬開

封府東
明縣

宿胥之口

正義淇水出衛州清淇縣清淇省入衛縣
注淇水分為二水一水水經

南注東至黎陽入河魏志云武帝於清淇口東因
清水

宿胥故瀆開白溝道清淇二水入焉徐廣云紀年

曰魏救山塞集胥口 索隱曰蓋亦津名 水經注宛

水東南入淇水淇水右合宿胥故瀆瀆受河於頓

邱縣遮害亭東黎山西北會淇水處立石堰遏水

今更東北注魏武開白溝因宿胥故瀆而加其功

宿胥口舊 河水北入 故蘇代曰決宿胥之口即指是瀆也 通典

淇水出其山東至衛縣界入河謂之淇水口曹公

於水口下大枋木成堰遏淇水入白溝時人號枋

頭溝洫志黎陽遮害亭 西十八里至淇水口

虛頓邱

索隱虛邑名地與酸棗相近春秋桓十二年公會

宋公于虛注云宋地正義虛謂殷墟今相州所治

是水經注洹水出山連逕殷墟竹書紀年曰盤庚

卽位自奄遷于此遂曰殷史記項羽與章邯盟洹水南殷墟上正義云括

地志相州安陽縣盤庚所都卽此北家殷墟南去

朝歌縣城百四十六里國都城記云鄴縣城西南

四十里有洹水南岸三里有安陽城名殷中卽殷

所謂北家者索隱汲冢古文云盤庚自奄遷于北

冢曰殷墟南去鄴三十里太平御覽相州圖經曰

安陽紂都也在淇洹二水之間本殷墟所謂北冢

是也戰國策曰紂昔聚兵百萬左飲淇水使竭右

飲洹水不流今按地理志河內殷墟更屬于晉注

州頓邱縣東北二十里水經注闕駟云頓邱在淇

水南又屈逕頓邱西爾雅曰山一成謂之頓邱釋

名謂一頓而成邱無高下大小之殺詩所謂送子

涉淇至于頓邱竹書紀年晉定公三十一年城頓

邱輿地廣記云本衛邑漢屬東郡唐屬魏州復置

澶州晉天福四年以頓邱為德清軍熙寧四年

河內

地理志魏地其界自高陵以東盡河東河內

之舊都朝歌周襄王以河內賜晉文公修武

孟子梁惠王曰河內凶則移其民於河東魏世家文侯任西門豹守鄴而河

內稱治索隱曰大河在鄴東故名鄴為河內

起引漳水溉鄴以富魏之河內無忌曰河內其汲必危

關與

溝洫志史

正義秦韓相攻於闕與而趙奢破秦軍郡縣志闕

與山在磁州武安縣西南五十里趙奢傳秦軍武安西徐廣曰武

安在邯鄲西唐初屬洺州正義云按括地志言拒秦軍在此山疑其太近既去邯鄲三十里而軍又

云趨之二日一夜至闕與五十里而軍軍壘成今洺州去潞州三百里間而隔相州恐潞州闕與聚

城是所拒據處郡國志上黨涅縣有闕與聚括地志闕與

聚城今名烏蘇城在潞州銅鞮縣西北二十里銅鞮

今屬威勝軍又儀州今遼和順縣城亦云韓闕與邑未

詳王翦攻闕與轅陽韓信破代禽夏說闕與孟康曰在

上黨縣縣

鄴

輿地廣記相州臨漳縣本漢鄴縣東魏析置漢袁紹為

冀州牧鎮鄴曹公以為鄴都作三臺石虎慕容儁東魏北齊都

焉後周尉遲迥舉兵韋孝寬討平之乃焚鄴縣徙

其民以安陽城置鄴縣熙寧六年省入臨漳水經

注鄴本齊桓公所置管子曰築五鹿中牟鄴以衛

朝歌

諸夏後屬晉魏文侯七年始封此地故曰魏漢高

帝十二年置魏郡治鄴縣郡縣志故鄴城縣東五十步本齊桓公所築

漢屬河內紂所都隋改為衛縣通典古城在衛州

衛縣西二十二里紂都有鹿臺謂之殷墟水經注本洙邑

紂有新聲靡樂號邑朝歌墨子迴車顏淵不舍括

地志朝歌故城在衛東北七十三里帝王世紀帝

乙徙朝歌衛縣省地理志衛為狄所滅更封於

為鎮入濬州黎陽

河南曹楚邱而河內殷虛更屬于晉左傳齊伐晉
取朝歌

冥阨之塞 鄆阨

括地志石城山在申州今信陽軍鍾山縣東南二十一

里魏攻冥阨卽此山呂氏春秋淮南子九塞此其

一也左傳定四年楚左司馬戍曰還塞大隧直轅

冥阨春申君傳秦踰黽隘之塞而攻楚楚世家楚

人對頃襄王曰涉鄆塞而待秦之倦也戰國策莊

辛曰穰侯受命乎秦王填黽塞之內而投已乎黽

塞之外蘇代曰秦欲攻魏重楚則以南陽委於楚

殘均陵州今均塞鄆阨徐廣注云或為冥今江夏鄆

縣正義申州羅山縣本漢鄆縣有平靖關蓋古鄆

縣之阨塞劉伯莊云秦兵向楚有兩道涉谷西道

州女石城山險阨之塞也通典申州春秋時申國

之地魏置義陽部有三關之隘北接陳汝控帶許

洛冥阨塞在信陽軍東南五十五里冥鄆龜並音

萌戰國策云危隘之塞涉谷索隱云往楚之險路

蔡

戰國策云右上蔡召陵無左字正義上蔡縣在豫

州北七十里今蔡州故蔡國從汴州南行向陳州之西郊

則上蔡召陵在南面向東皆身之右

懷茅

周桓王與鄭蘇忿生之田有攢茅隕懷襄王與晉

攢茅之田括地志故懷城在懷州武陟縣西十一

里漢河內懷縣本禹貢覃懷之地春秋時赤狄伐晉圍懷徐廣云修武古軹

縣有茅亭括地志在懷州獲嘉縣東北二十五里獲嘉古修武唐屬衛州

邢邱 安城 坭津

括地志平皋故城在懷州武德縣今河內縣東南二十

里本邢邱邑韓詩外傳武王伐紂至邢邱更名曰懷左傳宣六年赤狄伐晉圍懷及邢

邱則為二邑水經注梁惠成王三年鄭城邢邱鄭即韓也韓世家昭侯六年伐東周取陵觀邢邱

安城在鄭州原武縣東南二十里無忌曰使道安城索隱

五海
一
堽津在河北九毀反正義云堽當作延括地志延

里杜預云汲郡城南有延津是也

共汲
其甯

無忌又曰通韓上黨於共甯地理志共汲二縣屬

河內正義共衛州共城縣水經注共縣共故國

之上山在國北所謂共北山也通共伯歸政逍遙于共山

典共城古共伯國故城在縣東汲在衛州所治

汲縣西南二十五里通典汲縣牧野之地魏世家秦拔我

汲索隱曰汲一作波縣屬河內孟康曰今絺城括地志故郟城在懷州河內縣西三十二里蘇忿生

鄭地

邑懷州修武縣本殷甯邑韓詩外傳武王勒兵於甯改曰修武

徐廣云成皋滎陽屬鄭韓都鄭故稱韓為鄭

垣雍

括地志故城在鄭州原武縣西北七里徐廣曰在

策長平之役平都君說魏王曰王胡不為從魏王

或曰古衡雍白起傳應侯言於秦王割韓

安陵

括地志隰陵縣西北十五里李奇曰六國時為安

陵戰國策安陵君曰吾先君成侯受詔襄王以守

此地也手受太府之憲秦王謂安陵君曰欲以

五百里之地易安陵鄢陵今東京縣輿地廣記

本鄭地戰國謂之安陵漢屬潁川唐屬許州梁屬

葉陽 高陵

括地志葉陽今許州葉縣今屬汝州高陵今京兆府縣

漢屬左馮翊地理志魏地其界自高陵以東謂京兆之高陵

南國

周紀注江漢之間又曰南陽也此時屬韓正義云
在魏之南

西河 河西

無忌曰異日秦在河西正義云同州按秦紀繆公
送夷吾夷吾謂曰誠得立請割晉之河西八城與

秦背約不與戰於韓虜晉君以歸夷吾獻河西地

是時秦地東至河秦數易君晉復強奪秦河西地

正義云前入城孝公元年下令曰三晉攻奪我河西地獻

公欲東伐復穆公之故地於是出兵東圍陝城十

秦曰商君佐之手而取西河之外惠王六年魏納陰晉正義華八

年魏納河西地正義同十年魏納上郡十五縣正義

今鄜綏等州盡河西濱洛之地矣魏世家襄王五年予秦河西地

正義白華州北至同州戰國策摎留謂韓王曰魏兩用犀首

張儀而西河之外亡呂氏曰孝公取河西地蓋商

犀首張儀之力也吳起守西河而秦兵不敢東鄉正義云

汾州武侯浮西河而下

正義即龍門西河

呂氏春秋吳起去

西河而泣曰君誠知我而使我畢能秦必可亡而

西河可以王今君聽讒人之議而不知我西河之

為秦也不久矣吳起果去魏入荆而西河畢入秦

魏日以削秦日益大

韓信傳涉西河正義云即同州龍門河從夏陽渡者記

檀弓子夏老於西河之上注西河龍門至華陰之

地齊語西征攘白翟之地至于西河注白翟之

西

林鄉

正義徐廣云在宛陵

戰國策芒卯曰秦之所欲於魏者長羊王屋洛林之地也

劉伯莊云春秋時鄭地之棐林在大梁之西北

左傳

注宛陵縣東南有林鄉括地志宛陵故城蘇代曰
在鄭州新鄭縣東北三十八里本鄭舊縣

兵困於林中林鄉

園中

索隱園即圃田鄭藪屬魏輿地廣記開封府中牟

縣有圃田澤為豫州之藪中牟唐屬鄭州正義云園劉伯

莊音圃括地志圃田澤在鄭州管城縣東三里按戰國策魏有梁園温園

文臺

括地志在曹州冤句縣今興仁府冤亭縣西北六十五里

索隱云列士傳隱陵君施酒文臺

垂都

郡國志濟陰郡句陽有垂亭

左傳隱八年遇于垂亭

成陽東五里有垂亭句陽故城在今興仁府乘氏縣西

陶衛

正義陶定陶

今廣濟軍定陶縣田齊世家蘇代曰有陶平陸梁門不開即穰侯所封

衛楚邱

今開德府衛南縣秦紀始皇六年拔衛迨東郡其君角徙居野王阻其山以保魏之

河內呂氏春秋云舉陶削衛地方六百

韓非子曰魏安釐王攻趙

救燕取地河東攻盡陶魏之地加兵於齊私平陸之都攻韓拔管勝於淇下睢陽之事荆軍老而走蔡召陵之事荆軍破兵四布於天下

平監

徐廣曰平縣屬河南

括地志故平縣城在洛州偃師縣西北二十五里今河南

府正義兗州平陸縣今
鄆州中都縣東平府
史記齊闕止作監字闕在

東平須昌縣
縣今鄆州須城
正義故闕城在平陸

陸縣有闕亭
左傳會于闕杜氏曰須昌縣東南
郡國志東平東平

有闕城
封禪書蚩尤在東平陸監鄉齊之西境
也索隱監音闕皇覽云蚩尤冢

在東平郡壽張縣闕鄉城中

山南山北河外河內
正義山華山也華山之東南七國時鄧州屬韓汝

州屬魏華山之北同華銀綏並魏地河外謂華州

以東至虢陝河內謂蒲州以東至懷衛
呂氏曰山

南山北指太行

嶺阨

索隱云蓋安邑之東山領險阨之地即今蒲州之

中條已東連汾晉之嶮嶷是也通典汾州靈石縣

東南有高壁嶺雀鼠谷汾水關皆險固之處郡縣

志河中府元載上建中都議曰有羊腸底柱之險

濁河孟門之限以輾轅為襟帶與關中為表裏或云

江融設險圖之首篇也羊腸在潞州壺關縣東南一百六里孟門在慈州文城縣西南三十六里即

龍門雷首山一名中條在河東縣南十五里漢蒲坂縣

左傳晉表裏山河外河內山林氏曰國險而多馬三家

之所以分晉也曲沃之民知有曲沃不知有宗國

欒氏之民知有欒氏不知有其君三家又可知矣

故河北之地善用之則爲王伯之資不善用而失
之則爲寇叛之資唐之中世三鎮以河北叛二百
餘年不能取

韓

蘇秦說韓宣惠王曰韓北有鞏洛成皋之固西有宜

陽商阪之塞東有宛穰洧水南有陘山地方九百餘

里

大王事秦秦必求宜陽成皋

司馬錯欲伐蜀張儀曰不如伐

韓親魏善楚下兵三川塞什谷之口

戰國策云轅轅緹氏之口

當屯留之道魏絕南陽楚臨南鄭秦攻新城宜陽以

臨二周之郊

張儀說韓王曰秦下甲據宜陽斷韓

之上地東取成臯滎陽則鴻臺之官桑林之苑非王之有也夫塞成臯絕上地則王之國分矣 蘇代約燕王曰秦王告韓曰我起乎少曲一日而斷太行我起乎宜陽而觸平陽二日而莫不盡繇我離兩周而觸鄭五日而國舉韓氏以爲然故事秦 范雎謂秦昭王曰韓魏中國之處而天下之樞也 秦韓之地形相錯如繡秦之有韓也譬如木之有蠹也人之有心腹之病也天下無變則已天下有變其爲秦患者孰大於韓乎王不如收韓 王下兵而攻滎陽則鞏成臯之道不通北斷太行之道則上黨之師不下王

一興兵而攻滎陽則其國斷而爲三夫韓見必亡安得不聽乎戰國策頓子曰韓天下之咽喉魏天下之曾腹

鞏洛

周地

今河南府鞏縣洛陽縣

左傳昭二十六年晉師克鞏周

紀惠公封其少子於鞏徐廣曰周比亡之時凡七

縣河南洛陽穀城平陰偃師鞏緱氏秦紀莊襄王

元年東周君盡入其國韓獻成皋鞏秦界至大梁

初置三川郡

漢更曰河南

地理志河南有雒陽縣

是爲成周

鞏縣

東周所居

成皋

通典今汜水唐屬孟州戰國策三晉分智氏地段
 規謂韓王曰分地必取成皋韓王曰成皋石溜之
 地也無所用之段規曰不然一里之厚而動千里
 之權者地利也萬人之眾而破三軍者不意也王
 用臣言則韓必取鄭矣王曰善取成皋至韓之取
 鄭果從成皋始韓哀侯二年滅鄭今按晉楚之霸也爭鄭
 秦之并六國也始於韓以虎牢成皋之險也秦拔
 成皋滎陽十九年而韓亡李斯曰惠王用張儀之計東據成皋之險今按
張儀之脅楚曰秦下甲據宜陽韓之土地不通下
河東取成皋韓必入臣是時秦未取成皋也秦紀

韓獻成皋在
莊襄王元年

宜陽

六國表秦惠文三年拔韓宜陽

韓昭侯二十一年

秦武王

四年拔宜陽城

韓襄王五年

漢屬弘農郡正義在洛州

河南府

福昌縣東十四里通典故韓城在縣東縣城

卽魏故金塢城

東南北三面峭絕天險後周重兵於此以備高齊

甘茂傳

秦武王謂曰欲容車通三川以窺周室茂曰宜陽

大縣也上黨南陽積之久矣名曰縣其實郡也

戰國

策周君曰宜陽城方八里材士十萬

今王倍數險行千里攻之難王

使茂將兵伐宜陽五月而不拔大起兵拔之

地理志西

接引農得新安宜陽皆韓分也蘇秦說趙曰韓弱則效宜陽宜陽效則上郡絕呂氏曰通池二穀皆

在境內蓋控扼之地也

商阪 戰國策作常阪

正義即商山也在商州商洛縣南一里亦曰楚山

武關在焉通典商州上洛縣有商山 亦名地 四皓

所隱其地險阻王莽命王級曰繞雷之固南當荆

楚 言四面塞阨屈曲水回繞如屋霽即今七聚十二緝郡縣志即晉陰地也 史記六國

表秦孝公十一年城商塞 韓世家甘茂與昭魚遇於商於商君封於商張

儀欺楚以商於之地於林在鄧州內鄉 戰國策楚

魏戰於陘山魏許秦以上洛以絕秦於楚 地理志上雒縣

屬弘農 險塞 通典宜陽商阪蓋在商洛之間道秦楚之

宛穰

南陽二縣地理志宛故申伯國

西通武關東受江

昭王十五年攻楚取宛韓釐王穰今鄧州穰縣戰
五年秦拔我宛今鄧州南陽縣穰國策謂穰侯曰
君攻楚得宛穰以廣陶郡縣志本楚別邑取豐穰
之義後屬韓秦武王攻取之封魏冉為穰侯六國
表韓襄王十一年秦取我穰按穰
侯傳取楚之宛葉則宛亦屬楚

洧水

通典河南密縣有洧水鄭州新鄭有溱洧二水水

經出密縣馬領山

山在陽城縣東北

又東南流溱水注之

又東過鄭縣南溱水從西北來注之

郡縣志引蘇秦曰東有穰

清濟水東去南陽縣三里地理志弘
農盧氏縣有育水南至順陽入河

陘山

通典今密縣山楚世家齊桓公以兵侵楚至陘山

括地志在鄭州新鄭縣西南三十里在鄭州西南一百一十里

魏伐楚敗之陘山徐廣曰在密縣蘇秦說楚曰北

有陘塞戰國策秦攻陘使人馳南陽之地山海經

器難之水即索水少陘山一出焉太平御覽舊傳
在滎陽縣三十五里唐志許州長葛縣有小陘山

三川

韋昭曰河洛伊曰三川秦置三川郡周東都也呂氏曰

在今為衛懷孟開封鄭河南汝陝虢拱之地

什谷之口

郡國志河南鞏縣有尋谷水徐廣云什一作尋成

皋鞏縣有尋口尋什聲近故其名異水經洛又東

北流入于河注云山海經曰洛水成皋西入河是

也謂之洛汭即什谷之口南鄆亦曰上鄆鄆水出

謂之温水故鄆城在鞏縣西南五十八里京相璠

曰今鞏洛渡北有水鄆谷東入洛謂之下鄆亦謂

北鄆括地志温泉水即尋郡縣志河南府鞏縣洛

源出鞏縣西南四十里

水東經洛汭北對琅邪渚入河謂之洛口亦名什

谷塞什谷之口即此也

輶轅緱氏

郡縣志河南府緱氏縣今省入偃師縣古滑國緱氏山在縣東南二

十九里在緱氏縣南四轅轅山在縣東南四十六里正義轅轅故關

里左傳欒盈過周王使侯出諸轅轅注曰緱氏縣

東南有轅轅關道路險隘凡十二曲將去復還故

關此其一也陸機洛陽記洛陽四關南有轅轅白

起傳昭王四十六年秦攻韓緱氏蔣拔之漢高帝

從轅轅至陽城樊噲攻轅轅正義云在緱氏

東南三十里淮南王安曰塞轅轅伊闕之道

屯留之道

正義屯留潞州縣也地理志縣屬上黨道即太行羊腸

阪道也潞州壺關縣有羊腸阪王莽命括地志屯

留故城在潞州長子縣東北三十里左傳襄十八

年晉人執孫蒯于純留三晉徒靖公于屯留

南鄭

戰國策注今河南新鄭今鄭州新鄭縣正義云今楚兵臨鄭南塞轅轅郟口斷韓南陽之兵

新城

郡縣志河南府伊闕縣古戎蠻子國漢為新城縣

隋改伊闕伊闕山在縣北四十五里兩山相對望之若

關伊水流其間故名伊闕故關在縣北四十五里何進八關之一秦紀

白起攻新城敗韓魏於伊闕

滎陽

鄭地屬韓通典鄭州滎陽縣故虢國

所謂秦置敖東虢

倉楚漢戰京索閒是也

鴻臺宮桑林苑

韓之宮苑

徐廣曰桑一作栗今按湯旱禱於桑林之社莊子栗林虞人其地未詳

少曲

索隱云地近宜陽劉氏以為蓋在太行西南范睢傳秦昭王四十二年東伐韓少曲高平拔之正義括地志高平故城在懷州河陽縣西北四十里俗謂之韓王城非也周桓王以與鄭竹書紀年云魏襄王四年鄭侯使辰歸晉陽向更名陽為河雍向

爲高平則少曲當與高平相近 蘇代曰已得宜陽

少曲致藺石

水經注康溝又東逕扶溝縣之白

亭北又東逕少曲亭陳留風俗傳曰尉氏縣 今東京

有少曲亭俗謂小城

太行

正義太行山羊腸坂道北過兩上黨韓世家秦擊

我於太行上黨降趙

戰國策曰一軍臨滎陽一軍臨太行則韓請效上黨之地

平陽

韓世家貞子徙居平陽

世木作景子徙

正義晉州城地理

志河東平陽縣堯都也在平河之陽

今晉州臨汾縣括地

志晉州城因平陽城東面爲之

上黨 上地

戰國策周最曰秦盡韓魏之上黨太原秦地天下之半也制齊楚三晉之命犀武敗於伊闕周君之魏求救魏王以上黨之急辭之綦毋恢見魏王曰秦悉塞外之兵與周之眾以攻南陽而兩上黨絕矣樊餘謂楚王曰韓兼兩上黨以臨趙卽趙羊腸以上危 按大事記秦昭王十四年韓魏攻秦白起敗之於伊闕又涉河取韓安邑以東至乾河正義源出絳州絳縣東南穀山南流注河是水冬乾夏流四十五年白起拔韓野

王絕上黨道

野王懷州河內縣太行山在西北

韓獻上黨於秦上

黨守馮亭以郡降趙

趙世家馮亭入城市邑十七

四十七年秦

王齧攻上黨拔之四十八年白起分軍為三使王

齧拔趙武安

正義故城在洛州武安縣西南五十里今屬磁州

皮牢

與武安相

近司馬梗北定太原盡有上黨地莊襄王三年王

齧攻上黨諸城悉拔之初置太原郡

戰國策所謂兩上黨者蓋

在韓魏之間猶安邑魏地而云取韓安邑也

地上黨之地也荀子曰韓之上地方數百里而趨

趙趙不能疑也故秦奪之後魏地形蘇代曰龍

志上黨郡秦置治壺關城漢治長子城

蘇代曰龍

岸門之戰韓宣惠王十七

賈之戰

魏襄王五年秦魏龍賈軍

岸門之戰

韓宣惠王十七年秦大破我岸

門封陵之戰

魏哀王十六年秦敗我封陵

高商之戰

此戰事趙

莊之戰

趙肅侯二十二年趙莊與秦戰敗秦殺趙莊河西

秦之所殺三晉

之民數百萬今其生者皆死秦之孤也西河之外上雒之地三川晉國之禍三晉之半秦禍如此其大也

何氏論曰六國之勢莫利於爲從莫害於爲衡六國固嘗收合從之利矣然而終敗於爲衡之害者其禍在於自戰其所可親而忘其所可讎故也齊楚自恃其強有包吞燕趙韓魏之志而緩秦之禍燕趙韓魏自懲其弱有疑惡齊楚之心而脅秦之威是以衡人得而因之散敗從約曾不知齊楚雖

強不足以致秦之畏而其所甚忌者獨在乎韓魏也韓魏者秦之錯壤也秦兵之加韓魏也戰於百里之內其加於四國也戰於千里之外韓魏之致秦兵近在乎一日之間而其待諸侯之救乃在乎三月之外秦攻韓魏旣勝而歸休兵則四國之乘徼者尙未及知也四國誠能歲各更其國之一軍命一偏將提之以合成韓魏而佐其勢則是六國之師日萃於韓魏之郊仰關而伺秦秦誠勇者雖日辱而招之固不輕出而以腹背支敵矣蓋蘇秦不獲終見信於六國而張儀之志獨行於秦此六

國之所以見并於秦也林氏曰六國并於秦者蓋
秦知天下之勢而六國不知故也秦之所以知之
者其謀出於范雎遠交近攻之策取韓魏以執天
下之樞也欲平天下者必先知難易之勢唐憲宗
欲平藩鎮張弘靖以爲先淮蔡而後恆冀周世宗
欲平天下王朴以爲先江南而後河東呂氏曰秦
并六國始於韓者蓋李斯之策也杜牧曰秦萃銳
三晉經六世乃能得韓遂折天下脊復得趙因拾

取諸國

通鑑地理通釋卷第九

浙江書局總校陳

謨分校

蔣學溥校
高念曾校